



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-023-6/24**

Datum: **05.07.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «H-AKI» d.o.o. Visoko za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov pilića u naselju Čekrekčije, grad Visoko, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «H-AKI» d.o.o. Visoko daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov pilića, ukupnog kapaciteta oko 280.000 pilića/turnus, izgrađenog u naselju Čekrekčije, na zemljištu označenom kao k.č. broj: 1040, 1041, 1042, 1043, 1047/1, 1047/2, 1047/3 i 1047/4 K.O. Čekrčici, grad Visoko.
2. Ova vodna dozvola se odnosi isključivo na aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov pilića kompleksa objekata definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za ispuštanje sanitarno-fekalnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana zakona.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog kompleksa objekta za tov pilića vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se u roku važenja ovog rješenja ishodeju upotrebne dozvole za objekte izgrađene na parcelama označenim kao k.č. broj: 1047/3 i 1047/4 K.O. Čekrčici, grad Visoko.
 - 3.3. Da se u roku važenja ovog rješenja ishodeju okolinska dozvola od strane nadležnog Ministarstva za predmetni kompleks objekata za tov pilića.
 - 3.4. Da se u roku važenja ovog rješenja u potpunosti izvedu radovi predviđeni projektnom dokumentacijom: Glavni projekat vanjskih hidroinstalacija objekta za tov pilića u naselju Čekrekčije, Visoko urađenom od strane «Perspektiva-inžinjeri» d.o.o. Visoko (šifra: 34. V.S.PER.IV/23, maj 2023. godine) što podrazumijeva sljedeće:
 - Izgradnju kanalizacione mreže i vodonepropusne sabirne/osočne jame bez preljeva pojedinačno za svaki od 6 objekata predmetnog kompleksa a u svrhu prikupljanja otpadnih voda nastalih pranjem unutrašnjosti objekta i opreme za tov pilića nakon završenog turnusa.
 - Izgradnju vodonepropusne lagune za zbrinjavanje krutog otpada/đubriva pojedinačno za svaki od 6 objekata predmetnog kompleksa.
 - Procjedne vode iz laguna za zbrinjavanje đubriva potrebno je priključiti na sabirne/osočne jame, koje moraju biti izvan uticaja velikih voda.
 - Izgradnju kanalizacione mreže za prihvata i odvodnju sanitarno-fekalnih voda iz toaleta za uposlene objekata predmetnog kompleksa.
 - Izgradnju kanalizacione mreže za prihvata oborinskih voda objekata predmetnog kompleksa.

- 3.5. Objekte, kako postojeće, tako i one koji će se, nakon realizacije predviđenih radova, koristiti u svrhu prikupljanja i odvodnje otpadnih voda nastalih pranjem unutrašnjosti objekata za tov pilića i opreme (kanalizaciona mreža, sabirne/osočne jame i dr) kao i objekte za zbrinjavanje đubriva (lagune/đubrenke) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
- 3.6. Čišćenje i pražnjenje vodonepropusnih sabirnih jama bez preljeva može vršiti isključivo firma ovlaštena za tu vrstu djelatnosti, prema posebnom ugovoru.
- 3.7. Objekti za prikupljanje tečnog otpada (sabirna/osočna jama) i krutog otpada (laguna/đubrenka) moraju biti izvan uticaja velikih voda, vodonepropusni i dimenzionirani tako da obezbijede zrenje istog prije konačne dispozicije đubriva na poljoprivredne površine kao i da se spriječi nekontrolisano rasipanje tečnog i krutog otpada po okolnom zemljištu.
- 3.8. Da se obavezno praktikuje suho čišćenje objekata prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.9. Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo ukoliko se prethodno ne izvrše potrebni hidrogeološki istražni radovi te obraditi i potvrditi ispunjenje uslova pod kojim je isto dozvoljeno, a sve u skladu sa članom 16. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- 3.10. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.11. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
- 3.12. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada kompleksa farme u vodotoke i obale rijeka.
- 3.13. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 3.14. Materijal iskopan u toku izvođenja predmetnih radova kao i ostali otpadni materijal od eksploatacionih radova se ne smije ni privremeno odlagati na česticu «vodno dobro», odnosno u vodotoke i na njegove obale.
- 3.15. Vlasnik odnosno korisnik kompleksa objekata je obavezan pridržavati se svih mjera i uslova, propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu objekata obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog kompleksa objekata za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik kompleksa je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 117. stav 1. Zakona o vodama se daje sa rokom važenja od 1 (jedne) godine od dana pravosnažnosti ovog Rješenja.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «H-AKI» d.o.o. Visoko, dana 18.01.2024. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov pilića ukupnog kapaciteta oko 280.000 pilića/turnus, izgrađenog u naselju Čekrekčije, na zemljištu označenom kao k.č. broj: 1040, 1041, 1042, 1043, 1047/1, 1047/2, 1047/3 i 1047/4 K.O. Čekrčići, grad Visoko.

Uz zahtjev nije dostavljena dokumentacija koja je propisana članom 12. stav (3) Pravilnika o sadržaju, obliku, uslovima, načinu izdavanja i čuvanja vodnih («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-023-2/24 od 13.02.2024. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-18-000177 izdatog dana 14.02.2018. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 28.06.2017. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-UPJR/1-5482-2/10 izdatog dana 24.12.2010. godine od strane Uprave za indirektno-neizravno oporezivanje Banja Luka,
- Kopija Rješenja o upotrebi građevine broj: 12-23-06910/13 izdatog dana 19.11.2013. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekat br 1. izgrađen na parceli označenoj kao k.č. broj: 1042 K.O. Čekrčići, grad Visoko),
- Kopija Rješenja o okolinskoj dozvoli broj: 12-23-367-1/12 izdatog dana 27.04.2017. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekat br 1. izgrađen na parceli označenoj kao k.č. broj: 1042 K.O. Čekrčići, grad Visoko),
- Kopija Rješenja o upotrebi građevine broj: 12-23-03092/15 izdatog dana 29.06.2015. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekat br 2. izgrađen na parceli označenoj kao k.č. broj: 1040,1041,1042 i 1043 K.O. Čekrčići, grad Visoko),
- Kopija Rješenja o upotrebi građevine broj: 12-23-05488/16 izdatog dana 14.12.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekte br 3. i 4. izgrađene na parceli označenoj kao k.č. broj: 1047 K.O. Čekrčići, grad Visoko),
- Kopija Rješenja o odobrenju za građenje broj: 12-23-12-23-10128/17 izdatog dana 20.12.2017. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekat br 5. izgrađen na parceli označenoj kao k.č. broj: 1047/3 K.O. Čekrčići, grad Visoko),
- Kopija Rješenja o izmjena odobrenja za građenje broj: 12-23-12-23-10129/17 12-23-4931-1/16 izdatog dana 01.08.2018. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekat br 6. izgrađen na parceli označenoj kao k.č. broj: 1047/4 K.O. Čekrčići, grad Visoko),

- Kopija Rješenja o vodnoj dozvoli broj: UP-I/25-3-40-518-4/15 izdatog dana 16.10.2015. godine od «Agencije za vodno područje rijeke Save» Sarajevo (izdato za objekte br 1. i 2. izgrađene na parcelama označenim kao k.č. broj: 1040, 1041, 1042, 1043 K.O. Čekrčiči, grad Visoko),
- Glavni projekat vanjskih hidroinstalacija objekta za tov pilića u naselju Čekrekčije, Visoko urađen od strane «Perspektiva-inžinjeri» d.o.o. Visoko (šifra: 34. V.S.PER.IV/23, maj 2023. godine),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa objekata u naselju Čekrekčije, grad Visoko i tom prilikom je sačinjen Zapisnik o uviđaju broj: UP-1/21-3-40-023-5/24 od 26.06.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks objekata za tov pilića izgrađen je u naselju Čekrekčije, grad Visoko. U sklopu kompleksa izgrađeno je 6 objekata za uzgoj pilića (5 objekata spratnosti P+1 i 1 objekat spratnosti P+2) sa pratećim sadržajima. Ukupni kapacitet kompleksa je oko 280.000 pilića/turnus (pojedinačni kapaciteti: objekat br 1. – 45.000; objekat br 2.- 55.000; objekti 3. i 4. – po 30.000; objekti 5. i 6. – po 60.000 pilića/turnusu).
- Za objekte br. 1., 2., 3. i 4. izgrađene na parcelama označenim kao k.č. broj: 1040, 1041, 1042, 1043, 1047/1, 1047/2 K.O. Čekrčiči, grad Visoko izdata su Rješenja o upotrebi građevine od strane nadležnog Ministarstva za prostorno uređenje, promet i komunikacije i zaštitu okoline Zeničko-dobojskog kantona dok je za objekte 5. i 6. izgrađene na parcelama označenim kao k.č. broj: 1047/3 i 1047/4 K.O. Čekrčiči, grad Visoko u toku ishodovanje Rješenja o upotrebi.
- Od strane Agencije dana 16.10.2015. godine za objekte izgrađene na parcelama označenim kao k.č. broj: 1040, 1041, 1042, 1043 K.O. Čekrčiči, grad Visoko doneseno je Rješenje o vodnoj dozvoli broj: UP-I/25-3-40-518-4/15 sa određenim uslovima i rokom važenja 6 (šest) mjeseci. Uslovi iz navedenog rješenja koji su se odnosili na izgradnju osočne jame i lagune za zbrinjavanje đubriva nisu ispunjeni.
- Prema dostavljenoj projektnoj dokumentaciji - Glavni projekat vanjskih hidroinstalacija objekta za tov pilića u naselju Čekrekčije, Visoko urađen od strane ovlaštene projektne kuće «Perspektiva-inžinjeri» d.o.o. Visoko (šifra: 34. V.S.PER.IV/23, maj 2023. godine) predviđena je, za svaki objekat kompleksa, izgradnja zasebne kanalizacione mreže sa definisanim načinom prikupljanja i odvodnje oborinskih voda sa krova objekta, sanitarno-fekalnih otpadnih voda, otpadnih voda od pranja unutrašnjosti objekta i opreme za tov pilića nakon završenog turnusa kao i način zbrinjavanja krutog otpada/đubriva.
- Projektom dokumentacijom predviđena je izgradnja vodonepropusne AB lagune/đubrišne jame za privremeno zbrinjavanje krutog otpada-đubriva kapaciteta 33m³ sa nadstrešnicom za svaki od 6 objekata posebno a do konačne dispozicije na poljoprivredne površine. Za prihvatanje otpadnih voda nastalih pranjem unutrašnjosti objekta i opreme za tov pilića nakon završenog turnusa predviđena je izgradnja vodonepropusne AB đubrišne jame/osočne bez preljeva kapaciteta 10m³ pojedinačno za svaki od 6 objekata kompleksa.
- U toku uviđaja konstatovano je da su u upotrebi samo dva objekta za uzgoj pilića.
- Stelja i đubrivo se nakon završenog turnusa odvoze na poljoprivredne površine a otpadne vode nastale pranjem objekata nakon završenog turnusa se ispuštaju na okolni teren.
- Snabdijevanje vodom za sanitarne i tehnološke potrebe je obezbijeđeno putem priključka na gradsku vodovodnu mrežu.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog kompleksa objekata i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama člana 115. do člana 118. Zakona o vodama Zakona o vodama i odredbama člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je pravno lice «H-AKI» d.o.o. Visoko ispunilo minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata farme za tov pilića u naselju Čekrekčije, grad Visoko, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-023-3/24 od 21.05.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta

Nermina Hodžić, dipl.ing.građ.

Po ovlaštenju:
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- «H-AKI» d.o.o. Visoko
- Mule Hodžića bb, 71300 Visoko
- ☒ - AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava